

*A Monthly Christian Magazine*

AN ORGAN OF THE ZOU PRESBYTERIAN CHURCH SYNOD



# Kchristian Tangkou

Vol. 51 || No. 7

July, 2015



**Editor: Rev. Tualzachin**

**PYF 21st Biennial Conference from ZPYF**

# Khristian Tangkou

Vol. No. 51 || Issue No. 7 || July, 2015

## Editorial Board

Editor : Rev. Tualzachin - 9862829526

Joint Editor : Rev. Stephen Chinzathang  
- 9863042789  
*ct\_stephen@yahoo.com*

Cir. Manager : Upa Jamsianmung - 9862086615  
*sianmung@rediffmail.com*

Bus. Manager : Kamgenpau - 8974612937  
Sye T. Ginzahau - 8974438842

Cont. Editors : Upa S. K. Kham - 9856406454  
Rev. Awnkhankhup - 9862828921  
Rev. M. G. Nehlien - 09535042257  
Rev. Kaimuanlal - 9862923960

## ZOU SYNOD ULIENTE

- **Moderator:**

Rev. P. C. Manga

- **Moderator Elect:**

Rev. Khupkhansuan

- **Secretary (Sr):**

Upa Ngulchinkham

- **Secretary (Jr):**

Upa T. C. Pau

- **Treasurer:**

Upa T. Lamkothawng

- **Statistician:**

Upa Sianzahau

- **Executive Secretaries:**

Rev. Tualzachin

Rev. Stephen Chinzathang

## Copies - 1100

### AMAN

|                   |     |          |
|-------------------|-----|----------|
| Kumkhat ah        | - ₹ | 100.00   |
| Post ah           | - ₹ | 200.00   |
| Copy khat ah      | - ₹ | 10.00    |
| Life Member Fee   | - ₹ | 1,000.00 |
| Patron Member Fee | - ₹ | 2,000.00 |
| Memorial gift     | - ₹ | 2,000.00 |

## A sung thu

- Editorial..... 01
- Thu tuomtuom ..... 02
- Report ..... 04
- ATC Kizilsah dan Report ..... 05
- Na tu bang in na at ding ..... 10
- Christ vah ..... 14
- Mangpa louipen..... 16
- ZPWF Column ..... 19
- Suunna..... 23

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

# Editorial

Kumkim khat a guolzawlna zal zou a damna thupitah hing pie, I Mangpa Jesu Khrist min phat in chibai (Heb. 11:1).

Ginna: Ginna pen laisiengthou ah mun tampi ah mu thei in a um hi. Tua ginna igen ut pen ahileh ‘Pasian Ginna’ ahi. Tutung igam vahawm ding MDC kitelna i nei ua, izouta hi. Candidate te ginna pen, telching a aum ngei leh Govt. fund zanga sum leh pai tampi mu ding power zong nei ding, chi ginna toh inn leh lou, sum leh pai itlou ginna dangtahna, ihmutlouna tampi thuoh uhi. Tua abuoi ngamna uh pen ginna zieh ahi.

Tambang ma in Ginna toh nidanglai miten zong, Pasian kammal, vansawlsiengte thugen jawlneite leh Siempute gen, ginna, muolphouna, hasatna tampi zong thuoh in mailam a sil hing tung dingte, kinepna lienpi toh ginna in ana sem ua, Pasian a thuchiem a zuou ngailou pan a chi bangin a tang tun zel hi. Kanan gam Israelten alut na dingin bang zatah a galdowna, na thuoh ua, ginna toh Pasian thu chiem bang in lut uhi.

Thuhunlui miten gamchiem Kanaan gam Ginna toh alut bangin tuniin eite zong Pasian thuchiem bangin, hasatna, gentheina, muolphounate, gensietnate, mudanate thuohin, I Mangpa Jesu Khrist in ang thuchiem bangin Van khawldamna ah, “Ginna” toh gimna tampi thuoh in ilut ding uhi.

## THU TUOMTUOM

leh

*thumpi dingte*

01. Damlou vehna: Pasian hoina leh mapuina toh July haa tan itun uh kitawn in Hattuom chin in Hospital mun tuomtuom a damna ngai a um (Hospitalize) te a dingin ana thumzing vau. Tualeh Pasian in amauhte kem leh enkawl ding a siemna, pilna apieh Doctor te leh Nurse te a din ana thumsaha chiet vauit lat lou in.
02. Pasian hoina toh Zou Synod kalsuon touzel in Lamka khopi sung leh asehvel lah Pasian Hattuom dingkhie um sausau hi. Tam bang silhoi a um lai in I langpa setan zong kigol nuom mama hi chi ithei uhi. Khumbang ahilai in akhente chingtu, kemtu ding kitasam mama uhi. Tambang dinmun ahilai in akinaipi Hattuomte, Upate leh Bieltu Pastor ten ngaiven a team work beh a vezing thei lei hoiva. Tamteng ban ah Hattuom leh mimal chin in ana thumpi chiet vau.
03. Pasian in a Hattuom amisiengte thungetnate hing dawng touzel in igam vahawmtu ding Member of District Council (MDC) Election lawching tahin kizouta lungdam huoi! Bangteng hileh teelching a um Candidate ten zong kipah dan siem a, alawsamten zong puohzangkhai dan siem lei adeihuoi mama ding hi. I Laisiengthou a imu bang un I gam vahawmtu ding zong Pasian sekholsa/lemguotsa ahi bou uhi. Israel te hunlai in zong a vahawmtu ding uh Khanggui khat maimai ah zong a khanghampen, aneizoupen, ahaupen, apilpen, ameelhoipen chi thu ah enlou in Pasian thaunu (anointed) or Pasian sekholsa ten Leeng or Lal hina satan ana tang zel uhi chi thei siem vau.

04. Tukum iloumate ang gasuo theina dingin Pasian guoljawlna van guotui (Showers) te ang pe thei pa Pasian kung ah ngen vau. A umloute umsah theipa, aumsate lamang theipa Pasian silbawlthei ineizieh un i hampha mama uhi. Science laibu isim leh “plants need Sun, Air and Water for their living” chi hil hiel uhi. Tam nah igen nuom pen ahileh haichi te, singnoute a dingin Nisa, Hui leh Tui kichi te pen amaute dia a ann (food), poimaw khat uh ahimai hi. Tam teng ahiman in Hui, Kholum, Khovot ichite mihingte a ding guoh a phatuom himailou in ilouma, ihaichite ang gasuo theina dinga zong phattuom ahi uhi. Tualeh i laisiengthou ah zong “Thum mi Elizah ana um hi. Ama zong eima banga pienken nei mihing sapsap ahia, aman guozutna ding Pasian kunga thu a ngen a, kungkelou in Pasian a buon a Pasian in Elizah thungetnate hing dawng in Van in guo (Rain) zusah in lei in a gaate ang piengsah hi (I Lengte 18:40). Tamteng ahi man in ei gingtute in Pasian kung ah ngen lei khokhal hun apat Ama guoljawlna Van guotui (Showers) hingpe ding hi.
05. **Imphal District** in Seminar nei sawm uhi. Thumna toh ana thei chiet vau. Aziehpen pawl dangte toh ei Presbytery gindan kibah louna tampi aumzieh in.
06. **District chin a Solfa Training:** Zou Synod vahawmna thuphasah umsa bang in June 22-27, 2015 sung dai dingin District chin ah ama uh lemtan dan bangzel un Solfa Training nei ding uhi. Alemtan dan bangzel in Zou Synod in instructor ding lemguotsah ding uhi.
07. **PCI Mission Conference:** Pasian in umpina kilam etna lienpi toh ahingtung ding November 26-29, 2015 sung um ding hi. Amun Laban Presbyterian Church (KJP) Synod Mihngi Shillong ah um ding hi. Ahun, Anite thumsah vau.

08. **Zou Presbyterian Church Delhi Crusade:** Pasian lemsahpina kinepna lienpi toh ZPC(D) te saina in hundamna chielpi (Crusade) nei sawm uhi. Thumpi chiet vaui.
  09. **KNP Common Hymn Book:** Pasian in pha ang sahpi ding kinepna lienpi toh imanaw hun ah Khristian naupang pawl (KNP) Common Hymn book nei kisawm a thumna toh bawzui vaui.
  10. **Zou Synod Executive Secretary khuolzinna:** Pasian hoina leh umpina muongkawm in Rev. Stephen Chinzathang Presbyterian Church Wales gam ah PCI Good Will Visit in va tel dingen a pawlpi phalsahna toh vakuon ding hi. Ama VISA mutheina ding leh a lamzan theina th thumsah vaui.
- 

## Reports

Pasian in Ama nna isepnate Report pethei ding a hing mapuitu Mangpa min loupi phat masa ua, Ama kungah lungdamthu igen uhi. Apeisa April 17-19, sung Khuga Sadar Presbytery (KSP) te Mission Field TISPARI Nepali te lah ah Gospel Campaign na ah Speaker in kava pang hi. Pasian in noute hing thumsahna leh Pasian hagau siengthou naseptheina lamdangtah ma in gingtha khat Nu Purnimaya Gazamer Kum 70 mi Khristian sakhuo ah hing kipie (Convert) hi. Khummai hilou in Baptisma zong tang ngal hi. Mangpa'na nu tungtawn in thupina tang hen! Tam tan mai ah ahuntoh sih a, ma ban a septou zelna ding ah Hattuom leh mimal chin in thuma toh ana pang chiet vaui.

Evan. Bhim Prasad  
- Paspati Kalapahar.

# AIZAWL THEOLOGICAL COLLEGE

## KAMU DAN LEH KIZILSAH DAN REPORT

(Rom 10: 14-15)

Stephen Khupsianlal (ATC Graduate)

Pasian mapuina tang a Synod nu leh pa, Hattuom mipite thumpieh na zal a June, 2011 apat April, 2015 sung in Asia gam a Pasian thu zilna munpi tallang deu te lah a zilna hoitah a kigen te lah a Aizawl Theological College (ATC) mun a BD course vazil thei a lawching taha zouthei leh report bawl thei a ka um thei zieh in Synod sung a Hatuom mipi zousie tung ah kipahthu gensenglou ba in kaki thei a, kipathu nasatah a gen kawm in chibai kahing bawl masa hi. Pasian thu kum li (4) kava zil sung a kamudan leh Pasian thu kizilsah dan ngaikhie ulei deihuoi isa a, anei abang in kahing tahlang hi.

### College Kipat Dan

Aizawl Theological College (ATC) khu 1907 kum in Mizo Khristian te a ding ngaitua na in Theological school ding in hon masah ana hi a, 1965 in Senate of Serampore nei a L.Th course pat in na um hi. 1971 kum in B.Th course hon in umtou a, 1995 apat in BD zilthei na ahing hita hi. Tuachin 2002 kum in M.Th zil thei na hing hitou in, 2013 in D.Th course pat in um hi. Residential course teng ban ah course tuom-tuom Dip.C.S., B.C.S., M.C.S.,D.Min. etc te jong zilsah ahi uhi.ATC

khun Hattuom pawl tuom apat student te zilthei na phal in kot lienpi hong hi. Khum te khu: Presbyterian, Pentecostal, Salvation-Army, Baptist, Methodist, Lutheran, Mennonite Brethren, Church of North India, Evangelical Free Church of India, Evangelical Church of Maraland leh adang-dang ahi uhi. Tuazieh in Ecumenical College jong kichi hi.

### Student Phaza (2015)

B.D :I year-19, II year-23, III year-26, IV year-30 M.Th :I year-26, II year-25 D.Th :I year-05, II

year-01  
Exchange Students from Bishop's  
College-02  
Total students: 157

**BD Course Practical Training**  
ATC khun, 'Service to God and Humankind,'/ 'Pasiann leh Mihing Nasep pieh Ding,' thupi a nei in students chin ten huopzou tah a Mangna asep thei ding uh deina toh zilsahna pia hi. Course tuom-tuom hon hinanleh adieh in practical training khu BD students te chau ading in bawl sah in um hi. Class room kizil sah na ban ah pawlpi Hattuom sung a vanzah manpha tah hithei ngei ding dei na toh practical training programe poimaw tuom-tuom nei in Aizawl khopi sung leh singtang lam ban ah India gam khopi tuom-tuom te leh Mission Fields te ah sawl khe zel uhi. Khum te khu class wise a khen in tomkim in tahlang vai:-  
**i) 1 year students training:** BD zilding a hing lut tha taphot khu Pasianni chieng leh college gate duty ding in guot hizel ua, khenkhat te cook duty

ding a guot in, akhen kia te zingkal teng leituol phiet ding, kikhopna chapel leh nitah teng kikhopna D.E.Jone Hall a usher/steward mawpuohna te pia ahi uhi. I year student teng in Pasianni nitah anneh ding huon in kuong teng zong sawpsah hizel uhi. Guot kha a umlou teng Bbiehinn kai ngei dia lamet ahiua, Pasianni teng in Leitan South Presbyterian Church ah Biehinn kikai zing hi. Student koipou in Pasianni hunjah dan te report file a hoitah a gel in Thotanni chieng leh submit kibawl zel hi.

BD student teng khu kumchin Presbytery khawmpang ding in group tuom-tuom a siem in Presbytery khawmpang umna mun tuom-tuom a sawl chiet ahi zing uhi. Tualeh kalni sung dai ding in Rural Field Education/Singtang lam hinkhua zilding in March/April alemtang hun a sawl hizel uhi. 2011 kum in Bethlehem-Vengthlang Hattuom ah Aizawl East Presbytery khawmpang kava mang hi. Khawmpang Session vahawmna te ah discipline

anei hoi ma-ma thei ua, palai vahawm ten agenda khat khu lungkituoh tah in pomsiem thei zel uhi. Session sunga agenda gensau ahi hun chieng in Moderator in thutanna bawl in khum khu koiman niel nawnlou in piching tah in pom thei chiet uhi. Hagau lam guoh hilou in tahsa lam kivaihawm na lam a jong a etton tah ma-ma mai uhi.

Tuachin Kangmun khua (Mamit District) ah Rural Field Education ah kava kuon kia ua tuahun sung in khomipi te umdan zil in ‘mangkho,’ YMA haanlai, Siingtlu etc te kava seppi ua, nitah kikhop hun ah Pasian thu kigen hi. Kangmun khuo pen singtang khuo kichi nanleh inn 200 val pha in eilam a small town kichi te abang a, Village Council panlah na toh khosung siengthou in akitup thei ma-ma hi.

**ii) II year students training:** II year students te khu Pasianni kalhal in group ni a khen in Leitan Presbyterian Church leh Leitan Ramthar Presbyterian Church ah vakikhawm zel uhi.

June ha a pat in BD II year te khun Pasianni kalhal in Aizawl khopi a Hattuom tuom-tuom veding in senior student te nung zui in kikhawm in kikuon zing hi.

Tammi kum in Khamthei bawlte, kizua te kepna leh Orphanage Home tuom-tuom etc te ah kalni sung amau toh umkhawm a ahinkhuo zah dan uh zilding a sawl ahilan uah counselling zong bawl sah hizel uhi. Tuaban ah huntuom khat ah NGO tuom-tuom te kunga group a khen in staff te nasep dan, hasatna atuoh dan uh zil in hing sawl kia uhi. Tam khu ‘Working with Various Centres leh NGO’s,’ kichi hi. Damna Inn, Zuongtui khuo a khamthei bawl te toh hun kava jang thei ua counselling jong neisah ahi uhi. Tualeh Siphir khua a ‘Mizoram Iskus Grower Association’ lamkai te toh jong hun kava jang khawm uhi.

Tammi kum ma in Urban Field Education/Khopi hindan (adieh a hasatna tuohte hindan zilna/ Slum dwellers te dinmun) zilna nei ding in New-Delhi

a sawl kahi uhi. Tamhun sung in EFICOR NGO te toh pangkhawm in Delhi khopi a mipi hindan kizil hi. Pasian guolzawl na tang in tammi hun sung in lamkai te lunggel siem na toh khovel pumpi mitla minthang India Gate, Lotus Temple, Qutub, Minar, Taj-Mahal, Agra Fort te ka va mu ua Pasian hausatna kitanpi a tambang mun poimaw teng kava muthei zieh in Pasian min kaphat hi. Presbytery khawmpui 2012 khu Maubawk Hattuom (Aizawl West Presbytery) ah kava mang hi.

**iii) III year students training :** Pawl sang dan zil in practical training poimaw te kinei touzel ahi na ah III year student te khu Mission Exposure/Missionary Field ve ding a sawl aki hi a, tammi kum in Tripura a Mizoram Synod Mission Field group wise a khen in kou group ten Ambassa mun kava ve ua, Mission Field workers te toh pangkhawm in Biehinn lemtan lou na mun te ah Open Air Preaching service aki nei pi zel

a, tuanah ama uh local ham siem ten thugenna nei in, Lusei ham thei siem te kung ah student ten Pasian thu kigen hi. Outing ni in Agartala (capital) va pha in King's Palace leh mun tuomtuom jong kipha hi.

**Pastoral Engagement Programme/Pastor nuazui kichi program** poimaw tah nei kia in khopi leh singtang gam te a mi ni zel sawl a um in Pastor nung zui in kalni sung hun kava jang kia uhi. Khopi sunga khun Ramhlun Veng (Ramhlun Pastorate) ah Rev. Thangzaua, (i/c Pastor leh Ex-Moderator, Mizoram Synod) nung zui in kalkhat hun kava jang ua, tualeh singtang lam ah Phullen Khua (Phullen Pastorate) ah Rev. HL Thianghlima (i/c Pastor) nung zui in kava um kia uhi. Tam hun sung in Pastor hinkhua zah dan tangpi akizil khie hi.

**iv) Final year students training :** BD final year students ten practical program tuom neinawn lou in muntuom a sawldoh ahinawn ta sih uhi. Final year semester ni sung in Aizawl a

teltuom/selected Hattuom te ah student khat chiet ahing kikoi a tuakhu ‘Final year attached Church’ akichi hi. Laipuitlang Presbyterian Church a koi/ attached in ka um a, kumkhat sung ving-veng Pasianni chin in vakikhawm thei in Group Tutor kung ah Sunday Field Education report ki submit zing hi. Pasian guolzawlna thupitah tang in ahing ki attached na Hattuom te deisahna leh lungsietna liensi kava tang a, ama uh Hattuom mi le sa bang a hing pom in, kava kikhop chin in silpieh tuom-tuom ahing na pe zing ua, tambang lungsietnate katan zieh in Pasian min kaphat hi.

#### **Valedictory Programme**

Pasian mapuina leh Hattuom pawlpi te thumpieh na zal in kum li ving-veng Pasian thu kava zilsung in course in a demand teng zou sieng thei in tuachin 21<sup>st</sup> April, 2015 ni in ATC Chapel mun ah Valedictory Programme lawching taha zahna um a, tammi hun poimaw tah uap theiding in kapa leh ka lawinu jong ahing pang thei zieh

un lungdam huoi kasah ban ah Pasian min kaphat sawn-sawn hi. Tuahun ah Rev. Lalrinmawia, (Existing Moderator, Mizoram Presbyterian Church Synod) khut apat in ‘Commendation Certificate’ muthei leh tangthei a um in damtah in kahing pawt khe thei ta hi.

ATC a kazil sunga lam tuomtuom a Pasian guolzawl na ka mu te khu Synod nu le pa, Hattuom mipi te zousie thumpi na zal ahia, adieh in District chin Women Fellowship te anngawl thumna gaa hi in kathei hi.

**Mimal activities** BD kazil sung in lamdang tah mai in Pasian guolzawl na nasatah tang in kaki thei hi. College vaihawm te deisah na toh 2013 kum a um Council For World Mission (CWM) Face to Face programe khu ATC a vaidawnna program zah in um a, tuanah vaiguon puitu/host ding a quot in kana um hi. Tualeh Aizawl a Hattuom lienpen (3000+ members) Mission Veng Hattuom a Associate Professor

Rev. Vanlalrawna chielna bang in Pasian phatna la kava sakha tei a, college chapel kikhop hun tuom-tuom a jong phatna la sading in thugentu te deisah na kana tang hi.

### Thukhumsin

Kahing pawt masang deu in BD zil ding a hing ki petha MLA Pu T. Manga Vaiphei tapa leh PCI Administrative Secretary Rev. David T. Lhouvum tapate Pasian thu zilding a ahing kalsuon na uh kathei in akipiehzaw na uh thupi kasa ma-ma hi. Tualeh eima pawlpi apat in M.Th zil in unaupa S. Ginlianmang (Imphal) leh unaupa Samuel

Khamsuankhai (Zomi-Colony) amau giel toh kava zilkhawm thei a noptuom kasa ma-ma hi.

Khovel a zilding tampi um te lah a Pasian thu zil thei a ka um zieh un kakipahna alien ma-ma mai a, koute ban ah khanglai manpha te Pasian in atamzaw sem ahing tulmaw nalai hi. Pasian thu zil in kuon in kuon zou sih nan lei zong gingtu ten mawpuohna lienpi inei chiet uhi. Ama i Mangpa a ding a thei kham-kham a kijang thei chiat ding in Mangpan simtu zousie guol hing zawl chietta hen.

Kipah ing.

## “NA TU BANGIN NA AT DING”

Text: Galatians 6:1-10

· Rev Jonathan Nehlien

Tulai khawvel mihingte hinkhuo iet chiengin tu louna muna at sawm kitam mama ta hileh akilawm hi. Mi khat in, “...ke'n gim leh tawl, hasatah a ka lamkhiel in amauten bailamtah a bangmalou ang suosah ..” achi ka thei zing nalai hi. Tuamabangin tam leitung pen mikhat in gim leh gentheitaha sem in, midang asemlou khat in a nehmangna gam hithei zel dan ahi. Hinanleh atu louna mun a mi tusa lahsah/neh mangsah ngamte zong a gitlouna ga uh ana at thou thou dan ahi uhi. Tuaziehin i Mangpa Jesu'n, koiman atu louna ah aga at ngeilou hi, ana chi hi(Matt.7:16).

Loubawl mite'n kum bul ah haichi atu ua kumtawp chiengin aga a at zel uhi. Vaimim tute'n vaimim a la ua, maipuong tute'n maipuong a la uhi. Tambangin mihingte hinkhuo ah zong i nasep dungzuiin aga imu zel uhi. I huon sunga zoujam paah ding i dei chiengin koiman rose paah i suon ngei sih uhi. Loulaia haichi suon ding lung i gel laiin zong koiman kumtawp lam ki mitsuon ngeilou hi. Kumtawp lam vaigei ta ding ahiman in kumbul lamah asuon hun laiin, suon ding haichi pen pen thupuona ki bawl zouta hi.

Tunin bu leh baal ahisihleh haichi toh kisai(agriculture) kigen bang nanleh Hagau lam hinkhuo leh nichin hinkhuo ah zong tekhin thei ahidan ang theisah ahi. Tuaziehin Paul in mihingte nasep zong haichi toh ana tekhin in, Galatia mite kungah mihing khat in atu bangin aga a at ding hi, ana chi hi(Gal 6:7). Tamna bu lah hun achi pen khawvel tawp hun agenna ahi. Tua khu Mangpa Jesu thukhen leh vaihawm dinga

ang pei hun ahi ta ding hi. Tu hun pen butu hun ahia, bu lah hun pen huntawpna ni, thukhenna ni khu ahi. Dachiengin i bu tu ga ahoileh ahoi imu dinga ahoilouleh ahoilou imu ding hi. I nasep i silbawlte un kumtawn gam sukha ahidan thei poimaw hi. Eite'n ut dan dan a hinkhuo man thei ding i na sa kha uhi. Mi tamtahte'n hi chi'n, "...khawvel a sawt kidam lou ding ahichienga anop thei banga hinkhuo man ding himai..." achi ua, khelna leh Dawimangpa gitlouna in amit uh asumiel a, ni khatni chienga silzousie ki pholdoh ding ahidan theilouin khawvel nopsahna leh thupinate'n bumngol in manthaina lampi ah a pei mangsieng ta uhi. Tuachin kumtawn gam daiding enlouin tahsa ngaituona mai lunggul in atu ua, tuaten khatvei chienga hing pou dingin ang pichin chienga aga aat ding ahilam uh athei sih uhi. Tam huntawpna (thukhenna) ang tun masangin bang itu ei chi iki ngaituo hun ahi. 2 Corinthians 5:10, Eite Kchrist Mangtoupha masangah iki lang chiet ding ua, tahsa a

ium lai ua i nasep bang chiet in nuomman imu chiet ding uhi. Pu John Stott in, “Mihing khat pen ginumtah a haichi asuon in chu alah hun ah aga a at ngei ding” achi hi.

Paul in zong mihingte'n atu bang ua aga at zel ahi chi ana theisiem mama a, tuachin Galatia mite kungah ana gen ahi. Mihingte'n i mihingpite i motbawl thei maihei hinanleh koiman Pasian motbawl theilou ding leh motbawl zou lou ding hi. Tuabanah Pasian pen thukhenna bukim ahiziehin Ama thudihna leh thukhenna dih apat taimang vang chi kinepna khu sil mothuo'i ahiziehin ei leh ei kisol suoh hi. Tua khu ahi Paul in sol in um sih un koiman Pasian motbawl theilou hi, achi khu.

Hagaulama tu hoi mama iki sah laia, tahsa a ding maia tu kha'h thei ahi. Gentenan, i ngaituona leh i nasepte in a tahlang ta ahi. Ngaituona sienglou leh hoilou i ngaituo a tuami pichinna dinga na isep tou zelna ahisihleh laibu a thu kigel hoilou i simte

leh televisionte a iet nuom tamtahte, i bawl ding dawl bawllou a i bawllou ding dawl i bawlkahate, nuomsatah a ium utna(comfort zone) – gentenan: thumna lampang tahnspnate bang, I lawmte leh invengte kunga tanchinpha gen dingte genloua, ahisihleh ang puisethei lawm leh guol hoilou i pawl ziehte bang hithei hi. Tambanga silhoiloute zongsang a khel utna lungsimte pichin ut zing na khu manthaina ahi. Alelamah Hagau lungkimna dinga itu in chu kumtawn hinna ah ang puilut ding hi. Hagau kipahna ding leh suh lungkimna dinga lampi masapen khu ginna toh Khrist kunga pei ahi. Tam khu, (I John 3:22,23) ah kimu thei hi. Pasian Tapa ama i gintat a, khat leh khat iki it tuo ding khu ahi. Hagau a i pientha masangsie in Hagau i sulungkim thei tahtah sih ding hi. Tuaziehin huntawp ni chienga kumtawn hinna i nei nuomleh tunia i pientha ngai ding hi.

Hundam ihi zou apat in Hagau sulungkim dingin na isem in i

hinkhuo i mang thei pan ding hi. Nasep hoi zieha hundam ding ichina a hisih hi. Hundamna khu Pasian silthawn pieh, Khrist sisan eite dinga Kross tunga hing luongkhie tungtawn apat bou ahi (Eph 2:8-9). Jesun, Asawlpa na gintat na zal un tampen Pasian nasep ahi, achia (John 6:29). Hundam ihi nuoin Hagau lungkimsah dinga athu isim zing ding, lawm leh guol hoi i pawl ding, nasep hoi isep ding ahi. Mite muloua chi kitu Hagau kipahna ding zong aum a, tuate ahileh Bible sim zinga thumna nei zing ahi. I nichin hinkhuo ah bangchi'n tamte ang pieng thei diei le? Nang ma deitelna ah kinga hi. Na lup masangin dahkan kimkhat tei hun na nei zing ahi. Television dahkan kimkhat na et sangin tuami hun ah nangma ding, na lawmte leh Hattuom a dingin thumna na nei thei hi. Pasian guolzawlna sumlepaite zah ding dan deitelna nangma ah kinga hi. Na sum pen nangma phattuomna ding maiin na zang ei ahisihleh gentheite panpinan? Na tahsa lunggulna nasepte

pichin na ding leh kipahna, tahsa deidan, manthaina lampia hing tut ding chi hoilou tu zing ding na mah? Ahisihleh tuate tawpsan a Hagau deidan chi hoi tu ding na mah? chi ki dong lei.

Nikhatni chiengin Pasian in bute ang khawm ding hi. Tuaziehin bu lah hun khu hing tung pouma ding ahi. Thukhenna zong hing um pouma ding ahi. Tua bulah hun chiengin aga i lamet, imu ding khu bang ahiei? Bu lah hun ah eima ut leh utlou thu hilouin deitelna khat penpen ite'l ngai ta ding hi. Tua deitelna khu:- 1. Manthaina(meidiil) leh 2. Kumtawn hinna(vangam) ahi. Tamte gel hei pen e na tunna ding khu? Manthaina i? Ahisihleh kumtawn hinna? Tunia i text in agen ahileh eima tahsa lunggulna suhpichin pen manthaina ahidan leh Hagau lam lunggulna pen kumtawn hinna ahi dan thu agen ahi(Gal 6:8). Tamnah bu tu dan chi ni in aetsah ahileh mi koi e khat lungkimna ding leh kipahsa na ding tupna ahi. Nangma tahsa deidan, khelna lungtang

leh ngaituona suhpichin tup a ut dan dan a hinkhuo man maw ahisihleh Hagau kipahna ding leh lungkimna dinga, Pasian in bawl in achite bawl zawh. I tahsa lunggul leh ngaituona chi hoiloute itu zing in chu tuamin manthaina ah ang puilut dinga, Hagau lam louma a chi hoi itu leh kumtawn hinna i tang ding hi.

Atawpna dingin, Khrist a hinna neisate leh a nei thate dingin i gen ut hi. Pasian a ginna toh i kalsuon zing lain tawl kisa, khop kisa a maban pei ding zong ngap nawnlou ihi kha thei hi. I kiim i paam iet chiengin Pasian

---

ginna hinkhuo mawng mawng Neilou, hinanleh khawvel mite et a khangtou hur hur mai bang um thei hi. Pasian nasep khop kisa a tunia gim leh tawl kisa a i umlaiin tamnah eia dinga hanthawnna thu bawl nuom dan ihi hi. 'Sil hoi bawl chimta'h sih va ui. I lungkieh sih na'h pou uleh ahuntahin agaa i at ngei ding uhi.(Galatians 6:9). Bu lah hun leh bu tu hun kikal hun sawtpi akivei hi. Tuaziehin ngah hat in, thuoh zouin, phun louin um poulei ahun tahin aga i at na ding uhi.

Mangpa'n athu guolzawl ta hen!

## CHRIST VAH....

By: Gideon Taithul

Amasapen in hun manphatah mai leh ama thusienghoute kikum khom thei ding a damna toh hing na kaihuoi jing i Mangpa Jesu Khrist leh pa Pasian kunga nuomthu tung masa hen.

Tuni hun a ikikup ding a poimaw leh tulai hunte a ding a deihuoi kasa jieh a ka hing talang ahi...

Ephesa 5:14 na i et le chieng mama ahi. Sietna ahat semta a, khel na apungsem a, mi dangte chilou eima innsung ngel a jong sietna aum ka chi ngam hi. Kei innsung a jong nou innsung a jong iki theichiet ding in ka gingta hi. Tuajieh in eima beh apat in siemtha sawm vai...kimut a hun nawn sih a, mawlawm a um jong a hun ahi nawn sih. Setan silbawltheina a hat sem ding ahia, tuajiehin khanglou vai, ikhahloh ahun ta hi. Dah chieng hing kikhel man va....shina, mielnei a umnate nuasie a Khrist vah thupi khu del a mattho hun ahita hi. Tuahileh Khrist in ang nuasie ngaivawt sih ding hi. Mihing geldan a ipoimaw nate lah a thupi pen ahileh sum ahi leltah hi....Khrist vah thupi khu inei hun chieng in nunnuom in vahbang in lengthei ding uhi. Khrist in ang lungsiet taseng jieh a ang na piehsa hagau siengthou ang nachiemsa ina tangpen uh mandan siem angai hi. Ka gennop pentah chu tulai thute i ngaituoh leh Pasian lam a kipe vawt, Pasian mi vawt te nasan aginna uh detjou lou hun atam ahi....etsahnhan khamthei bawl a tawpsa ahikei leh na musitte lah a khat penpen in lungkham jieh in silkhak bawl khiel ta mawleh bang i ngai di uai??? hichiva ka chi ta mal,

amapi theisa chite ikam apat potmaithei akhu, nang leh kei apat....Pastor ju dawn, Upa kuva haai, jatep leh adangdangte vel bawl mun tuomtuom apat kija jel in...Kchristian hi ngal Pasian theilou chivel.....ihichi leh bang chichieng Khrist in ang tanva diai??? sietna chinteng, miel nasep teng inuasia a Vah thupi lam juon ding a ikhahlaw hun ahita hi.....sum na hau laisie Pasian mel mungai sih va chin, Pasian na nuangat laisie namit miel jing van, nabil bingjingvan, thu hoi mawngmawng in angdel sih ding hi.....ka gen ut khu na lungsim a miel jing ding china ahi.... Pasian tate i hi ua vah khu ei a ding mawng ahi. Tuajieh in Khrist va khu tangkim sawm chiet vau.... naupangte hilchien in theisiem sa vai in, setan henkolte hutkietdan thei vai in Pasian kipahna khu suijing leh bawl jing in um lei Khrist vah khu itung a ang vah ding hi. Tuahileh i innsung dam van, i Hattuom dam van, i chi leh nam jong akhang ding a Khrist khu i lungsung a ava den ding hi.....tulai thute thei a Khrist vah khu ngah jing a i um thei na ding un simtute jousie Mangpa'n theisiem na toh hing guoljawl ta hen....Amen.

## MANGPA LOUPIPEN

“Mangpa Louipen kahing pahtawi uhi” chi laa khu Upa Thanga (Lalsangpuii’ Pa) phuo ahia, tam la phuotu Upa Thanga khu Mizo lah a pawl sawm (Class-X) zou masapen ahia, Laizil a ngai poimaw mama a, agam mite hamsatnate a thuohpi a panpi thei tan in a panpi gige hi. Tam laa khu Pasian kung a kipah thu genna laa leh A thupina pahtawina laa ahia, Mizoram khu British Vaihawmtu in a opkhum lai in tuate lah ah Missionary Dr. Peter Fraser zong damdawi siem ahina toh suhdamna nasep leh khantan hoi gen kawm in ahing lut hi. Mizoram ah suoh-le-sal a kineina ana thupi mama mai ahi chi athei chieng in Dr. Peter Fraser lungtang ana mama mai a, a en thei mama sih hi. Dr. Peter Fraser in (Bawrhsap) Major N. W. G. Cole kung ah “British vaihawmna sung ah bangchi dan a suoh-le-sal kineina um thei ahiei?” chiin dohna asiem a, Major (Bawrhsap) Cole in “gamdang suohte bang ahisih ua, genthei zieh leh tuolthatte, amau hinna humhingna ding a hing lutte ahi uh” chiin ana dawng hi. Suoh neiten a suohte uh hakhet ding a ngai thei sih ua, a khela mama uhi. Tuazieh in Dr. Fraser in Mizoram a suoh-le-sal a kineina suhtawp sawm a, ahing puonzah tah in Mizo Lal (Hausa)-ten a muda mama ua, Pu Khawvelthang, Maubuang Lal (hausapa) in vang Khristian ahizieh in “Suoh-le-sal hina” suhbei ding kipahpi in a subei masapen hi.

Hinanleh haus a dang tengteng in ahuo ua, a dal uhi. Tuachiin a hakhe utlou haus (Lal)-te kipawlkhawm in Aizawl a sap lien (Bawrhsap) Major N. W. G. Cole thuzaw in Dr. Peter Fraser a doubwatlta uhi. Bawrhsap Major Cole lunghthah in Khawvelthanga in a nei thaw (gun) alahpieh a, Dr. Fraser ngei zong Mizoram a um a ut nalaileh/ Mizoram a nuasie utlouleh Hattuom leh Damdawi lam mai chilou sil

dang buoipi nawnlou ding in suoi kaisah ana sawm hi. Dr. Fraser in ahileh a panmun dih ahi chi theichien titen in suoi ana kai utsih hi. Kum 1911 in England ah a peikia a, tam suoh-le-sal suotatna thu a kituohlouna pen Kumpinu kung ah a tun in British Vaihawmna tanpha ah gen in a hing um hi. Tuachiin Assam Governor ma ahing kiheng a, Dr. Fraser in siem atang kiata hi. Tuachiin, atawp ah British Vai-

hawmtuten Missionary Dr. Fraser hakatna zieh in tam suoh-le-sal a kineina ahing subei theita ua, tam hun apat in Mizoram ah suoh-le-sal a kineina suhbei a um in a um kia nawnsih hi. Tambang in thusuo (Order) ahing suota uhi, “tu apat suoh chi khu suhtawp ahita ahi” chi 18th March 1914 ni in a suo uhi. Tam Dr. Fraser guolzawna thu (Suoh-le-sal a kineina abei thu) khu Pastor R. Dala (Upa Thanga lawipa) in Upa Thanga, Shillong a laizil a um khu (Siakhau sat) Telegraph in a hil pai a, tam thu in Upa Thanga kipahsah mama in, Jaiaw Hostel innmai a tou kawm a tam lai kipieh a sim lai in kipah sengseng in

“Mangpa loupipen kahing pahtawi uhi, pasian hing leh sil chinteng bawlthei hi chiin (nahi e)” chi laa alungsim ah hing lut in a gielkheta hi. Pasian kung a kipah thu gen a poimaw dante hing ngaituo khie in kingaituo masa zong hivawlou in tam laa thupi mama leh i limpi mama uh (i naupan lai ua zong i thei masahpen chiet ding uh a gintat huoi a) leh kilawmtah alungsim sung apat tui bang in ahing luongkhe zungzung mai hi. Upa Thanga zong khu tambang a mihing leh mihing suoh leh

sal a kineina deilou pente lah a khat ahizieh in tambang a suoh-le- sal a kinei ahing beitah in kipah sengseng a tam laa Pasian kung a kipah thu genna in ahing phuokhie hi. Mizoram a suoh, genthei-liengvai, musitna thuohte panpitu Pasian ahi dan a laa tang khatna ah ahing gen masa phot a, tang nina ah damlou mi tamtah damna ngai a zuonte damsantu in atate ka leh mauna a ngaikhe zing ahi dan a puong hi. Mihing hilhieh suoh-le-sal a kibawl a, gamsa leh ganhingte bang a hepina neilou a kibawlna leh nna kisepsahna khu koiman hoi isa ding un a gintat huoisih hi. “Thumna sangpa Pasian Nang nahi chieng in, Na mite’n na sieng a a net na pe leng; Na Tate ka leh mauna na ngaikhe leng, Thudih deimite bawl na musit ngaisih; Tam thu hi milien leh mineu theisah uh, Mipite leh nangma hing doute ngei zong!”

Tang thumna ah gingleute leh Dr. Peter Fraser doutute tanpha in “hundam ka hi theina ding un, bang ahiei ka bawl ding uh chi uhen” achi hi. “tam sil zousie Mangpan ahing bawsah zieh in mi zousie kipah hen tungungpen ah pasian loupina hihen” achi kia

a, tang liina ah “tam thu hi mi lien leh mi neu theisah un” achia “Van a miten a bawl bang un lei a miten zong pasian deilam bawl uhen” chin Pasian kung ah kipah thu a gen hi. Leitung mihingte suoh-le-sal apat suohtatna bawn tambang lieng a kipah huoi ahileh setan suoh- le-sal apat suotatna leh kumtawn hinna kipah a huoi dan gen seng ding ahisih a, laa a sahsah a, thu a gengen mai ding a hoi mawng ahi. Mangpa Loupi pen (God most high) Doh is B8 1. Mangpa loupiper ka hing pahtawi uhi, Pasian hing leh silchinteng bawlthei hi chin; Lungkhamte sal liengvai migiloute din, Sanggate gentheite (3) Mangpa leh Pasian. Tam suoh-le-sal apat Pu Thanga in Mangpa Pasian loupina apie masapen hi. Dr. Fraser kung ah kipah lou chi hilou in Pasian amasapen ahi dan a genchien a, Lungkham, Liengvai, Sangga leh gentheite’ Pasian ahi dan a chien mama hi. Bangkim Pasian apat hing kipan ahizing dan theichien in a genchien mama hi.

Thumna sangpa Pasian Nang nahi chiengin, Na mite’n nasienga anget na peleng; Na tate’ ka leh mauna na ngaikhe leng, Thudih deimite

bawl (3) na musit ngaisih. Dr. Fraser mai hilou in ama Pu Thanga ngei zong tam suoh-le-sal beina ding in ana thum a, Pasian ta ahina ah Pasian in Atate ngetna khu a nawlkhin ngaisih chi chientah in a thei hi. Tualeh, Thudih dei a pangte khu achiil in dihlou bang in kilang nanleh atawp chieng in Mangpan a ngaikhie a, guolzawlina ah a tut leng hi chi Pu Thanga in a theichien in a gen ngam hi. 3. Tam thu hi milien leh mineu theisah un, Mipite leh Nangma hing doute ngei zong; Tuin hundam kahing tan theina dingun, Bang ahei ka bawl ding (3) chi uhen, Amen. Tam suoh-le-sal apat suotatna thu khu akinthei bang a puonzah a, Mineu leh bangchituh a lien kisaten zong a thei ua suoh-le-sal zousie a suotat ding dei in, mizousie in Pasian deilam bang ahiei chi thei a Pasian dong kawm a, a gamtat ding uh a dei thu a genchien hi. 4. Namchin miela pawt sala pawt kipah hen, Tungnung pena Pasian loupina hihen; Lei a a itte tungah tamna leng hen, Hossana! Hossana! (3) samin sa uhen.

Mi koizong suoh hina apat suotat anop ding dan Pu Thanga in a theichien a, a kipah ding dan uh a

mitha in a mu hi. Tuachiin Mihing kung ah hilou in Pasian kung ah kipah thu gen in “Lei a a itte tung ah tamna leeng hen” chiin, Hosanna! (Hing hundam in) chiin Pasian kung ah kipah thu agen hi. Suotatna thu kigen nanleh a gingtaloute a ding in a phatuom sih hi. Tuabang in Pasian in Hagau suohtatna thu puong nanleh a gingtaloute a ding in hinna/suotatna a um aphatuom-sih hi (Mosi in sum gul akhaikang lai in a ginta a ente a dam ua a en utloute a ding in sum gul bangzat kikhai nanleh damna a um tuom sih hi). 5. Khumin namchin lai ah Namin kiza hen, Nagam loupitahin

hing tung zel tahan; Van a mi'n abawl bangun lei a mi'n zong, Na deilam bawl uhen (3) gam chinah, Amen. Tam tahsa leh hagau suohtatna thu zieh in Pasian min zatat in um henlen Pasian gam (Pasian umpina) lei mihingte lah ah um hen chi a deipen ahi. Tuachiin Pasian gam a umten Pasian dei lam a bawl bang un michin in Pasian deilam bawlleh tamna a leeng ding a nopna leh kipahna a tul ngaisih ding a, Pasian gam ahi mai hi. Pasian dei bang a hinkhuo izah chieng un anop a, Pasian gam khu eite lah ah ahing tung ahi mai hi.

## **ZPWF COLUMN**

### **ZPWF 6th SESSION TUIBUANG A GINNA THUCHIEM KUMKHAT A CHIEMTE**

|                                     |          |
|-------------------------------------|----------|
| 1. Rev. Stephen Chinzathang         | ₹ 12,000 |
| 2. Donngaihching Zomi Colony        | ₹ 100    |
| 3. Upa Dr. M. Lachinkhai Lailamveng | ₹ 5,000  |
| 4. Tingzavah Tuibuang               | ₹ 500    |
| 5. Vungkhanmang LDCC Hiangzou       | ₹ 100    |
| 6. Chiinenniang Lailamveng          | ₹ 200    |
| 7. Manchiin Tangpijol               | ₹ 100    |
| 8. Khamchinthang Beulalane          | ₹ 100    |
| 9. Suanniang Muallum                | ₹ 500    |

## 2015 | July | Khristian Tangkou

---

|     |                              |              |
|-----|------------------------------|--------------|
| 10. | Ginzahau Zomi Colony         | ₹ 100        |
| 11. | Pi Donchiin New Zoveng       | ₹ 10         |
| 12. | Paungai Muallum              | ₹ 500        |
| 13. | Khaidohlian Lailam veng      | ₹ 1000       |
| 14. | Sye Zamkhanthang Buolkot     | ₹ 100        |
| 15. | Chingngaihkim Thingkangphai  | ₹ 500        |
| 16. | Thiemnu Central Church       | ₹ 500        |
| 17. | Upa Jamsianmung Zomi Colony  | ₹ 3,000 Paid |
| 18. | Chhindeiniang Zomi Colony    | ₹ 500 Paid   |
| 19. | Chingnu Awnchinklap veng     | ₹ 100        |
| 20. | Rosy Hatmuanching Bijang     | ₹ 200        |
| 21. | Chingneisiam Lailam veng     | ₹ 500        |
| 22. | Vungngaih Kuvan              | ₹ 500        |
| 23. | Upa M. Zamthang Muallum      | ₹ 500        |
| 24. | Zoukhanching Muallum         | ₹ 500        |
| 25. | Nouhauching Tangpijol        | ₹ 500        |
| 26. | Thongniang Zoumun            | ₹ 500        |
| 27. | Nianngainiang Tangpijol      | ₹ 100        |
| 28. | Dimkhochiin Nungsai          | ₹ 300        |
| 29. | Vungzanem Muallum            | ₹ 50         |
| 30. | Chingngaihkim LDCC Hiangzou  | ₹ 500        |
| 31. | Niangkhongah Bijang          | ₹ 600        |
| 32. | Upa Gouzamang Central Church | ₹ 500        |
| 33. | Nemzalam Awnchinkap khua     | ₹ 1,000      |
| 34. | Kamkhogin Central Chgurch    | ₹ 500        |
| 35. | Kamgenpau Lailam veng        | ₹ 500        |
| 36. | Upa Chinsuanthang Lailamveng | ₹ 500        |
| 37. | Lamzaniang New Zoveng        | ₹ 200        |
| 38. | Upa Chinthong Tongdam        | ₹ 500 Paid   |
| 39. | Khaiminlian Lailam veng      | ₹ 2,000 Paid |
| 40. | Thiankim New Zoveng          | ₹ 500        |
| 41. | Tuanzathang New Lamka        | ₹ 300        |

|     |                                |   |       |
|-----|--------------------------------|---|-------|
| 42. | Deikhanching Behiangjang       | ₹ | 500   |
| 43. | Upa Khuplam Lailam veng        | ₹ | 500   |
| 44. | Deineifel Zomi Colony          | ₹ | 500   |
| 45. | Upa Lakhokam Sangaikot         | ₹ | 500   |
| 46. | Rev. Hangpi Manlun Lailam veng | ₹ | 2,000 |

**ZPWF 6th SESSION TUIBUANG A KUMKHAT ADIA  
GINNA THUCHIEM CHIEMTE**

|     |                                    |   |        |
|-----|------------------------------------|---|--------|
| 47. | Veineilam, Zomi Colony             | ₹ | 2,000  |
| 48. | Thongkhai, Bijang                  | ₹ | 1,000  |
| 49. | Nianzachin, Tuibuang               | ₹ | 500    |
| 50. | Pauneikim, Zomi Colony             | ₹ | 500    |
| 51. | Rev. Awnkhankhup, Tuining          | ₹ | 500    |
| 52. | Chiinneikim, Lailam veng           | ₹ | 15,000 |
| 53. | Mangnianching, Awnkap veng         | ₹ | 100    |
| 54. | Hatnu, Zomi Colony                 | ₹ | 500    |
| 55. | Mercy Vungsianmuan, LDCC Hiangzou  | ₹ | 500    |
| 56. | Vunghoiniang, Lailam veng          | ₹ | 20     |
| 57. | Evan. Bhim Prasad, Paspati         | ₹ | 200    |
| 58. | Kimboi, Lailam veng                | ₹ | 100    |
| 59. | Hatsianchiin, Tuibuang             | ₹ | 200    |
| 60. | M. Dongkhanlun, Zomi Colony        | ₹ | 2,500  |
| 61. | Chiinmang, New Zoveng              | ₹ | 300    |
| 62. | Suanching, Zomi Colony             | ₹ | 500    |
| 63. | Lianminthang Mate, Awnchinkap Khuo | ₹ | 100    |
| 64. | Ngaikhannuam, Singngat             | ₹ | 100    |
| 65. | Chiinngaihching, LDCC Hiangzou     | ₹ | 2,000  |
| 66. | T. Mankhanngai ,Lailamveng         | ₹ | 500    |
| 67. | T. Naomi Goulianching, Manniangkuo | ₹ | 500    |
| 68. | Donkhanniang, Manniangkuo          | ₹ | 100    |
| 69. | Lamneikim, Behiangjang             | ₹ | 1,000  |
| 70. | Phalnem, Tuilaphai                 | ₹ | 100    |

## 2015 | July | Khristian Tangkou

---

|                                  |                 |       |
|----------------------------------|-----------------|-------|
| 71. Nianghauching, Tangpijol     | ₹               | 100   |
| 72. Nousuanniang, Zomi Colony    | puonlaisan khat |       |
| 73. Chiinkhannuam, LDCC Hiangzou | ₹               | 100   |
| 74. Ngaisuanching, Lailamveng    | ₹               | 500   |
| 75. Chiindeiniang, Thingkangphai | ₹               | 500   |
| 76. Nu Kimhoi, Tuibuang          | ₹               | 1,000 |

### HACHIN A CHIEMTE

|                             |   |     |
|-----------------------------|---|-----|
| 1. Dimkhanvung, Lailamveng  | ₹ | 100 |
| 2. Upa K. Mangpu, Sangaikot | ₹ | 50  |
| 3. Chiinhoi                 | ₹ | 20  |
| 4. Chiinneu, Bijang         | ₹ | 100 |

### 21ST MAY TO 15TH JUNE 2015 SUNG A

#### TUNNU LIIMBEL ADIA SUMLEH SILPIEH HING PETE:

|  |   |        |
|--|---|--------|
| 1. ZPWF Tour Gunpang District                        | ₹ | 770    |
| 2. ZPWF Tour Suolam District                         | ₹ | 1,580  |
| 3. ZPWF Tour Suolam District (Sugnu) Tour tholom     | ₹ | 328    |
| 4. Nu Niangkhannuam Zomi Colony                      |   |        |
| Atate : T. Boijohn Class-XII, T. Emmanuel            |   |        |
| Class-X II Div. a ajo jiah ua kipahthu genna         | ₹ | 1,000  |
| 5. Pu H. Kapneithang Central Church                  | ₹ | 3,050  |
| 6. PWF Lailamveng anntang taang                      | ₹ | 100    |
| 7. Evan Pauchiin Sangaikot                           | ₹ | 100    |
| 8. Nu Dimkhanvung Lailamveng                         | ₹ | 100    |
| 9. Pa Khamminlun & Family Hiangmual                  | ₹ | 50     |
| 10. Nu Niangenngai Behiangjang                       | ₹ | 1,000  |
| 11. Nu Dimkhochiin Zomi Colony in Atunu 2na mel      |   |        |
| amu jieh a kipah thu genna                           | ₹ | 100    |
| 12. Upa Thangchinmang Lamphel                        | ₹ | 10,000 |
| 13. ZPWF Tour Imphal District                        | ₹ | 7,450  |
| 14. ZPWF Tour Imphal District ( Imphal ) Tour Tholom | ₹ | 1,165  |
| 15. Lailamveng PWF Anntang kg 150                    |   |        |

16. Nu Chingngaikim Zomi Colony hausanu apat :

(1) Kengkoh-6, (2) Puannah-8 (3) Toka-4

17. Hiangtamjang PWF anntang kg 16

18. L. Kanan ZCBC te apat anntang Half Bag 1

19. Mrs. Helhing of Semol Sweet Packet 1

20. Pa T. Khaijamang Bawngsa atel kg 2

NOTE: Tam i Tangkou tungtawn a ikiphal dan leh inei bangjel a  
ginna thuchiem kumkhat a dia ichiem uh hing kisuote ineibang leh  
ilemtaan bang jel a, poimaw ngaitah a Office a hing submit ding in  
iki ngen un ikitheisah uhi.

.....

## **ORDAINED UPA SUUNNA**



Phamsa Upa Selchinkhup Muollum

Bio-Date & Tanchin tomkim

- |                     |                               |
|---------------------|-------------------------------|
| 1. Min              | : Phamsa Upa Selchinkhup - 92 |
| 2. Pamin            | : (L) Awnzaneng               |
| 3. Numin            | : (L) Sepzangai               |
| 4. Pienkum          | : 1923                        |
| 5. Pienna khuo      | : Buhsau                      |
| 6. Koppi min        | : (L) Zonching                |
| 7. Tu leh tu a umna | : Muollum                     |

## 2015 | July | Khristian Tangkou

---

8. Kitenna kum : 1950 (Pindan)
9. Gawmtu : Rev. Englien
10. Khristian a kipieh ni : 18th August 1948
11. Baptisma tan kum : 1948
12. Tangsahtu : Rev. Thangsingpui
13. Tanna khuo : Buhsau
14. Laisiemna : Simthei, Gielthei
15. Nehsuina : Louhouumi
16. Gil a ga goutan pasa-5 leh numei -2

Kum 1965 in Manipur Gam Presbytery Session a 10veina khawm-pi thanei na toh Presbyterian Church Tuining ah Moderator Rev. Khamzalian in Ordination ana pie hi. District Chairman term 4(li) ana pang hi.

**Akizahnate:** Muallum Hattuom ah t erm 5 kum 14 sung Sawm-a-khat leh Sunday tuohkhom kemtu in ana kizang tou hi. Ama pen mi ginum, thutah shipi ngam khop a panla mi ahi. Hattuom sum kemtu ahilai in thudih a pang in ama khut a pat Seki zong sumangthang lou mi ahi. Ama banga Upa mawl thit thet na pi a mi dih tat um thei ta lei i pawlpi in tu sangin khangzaw ding hi. Tua mai hilou pawlpi iit tahtah mi ahi. Buoi lai in Belampu tampiten a Hattuom a etkolte uh it zou non lou a, a taisan lai un athugen khat ka lungsim ah ana um gige hi. Pa Khen ei bang ichi diei? Chia ka doh leh, aman kei miteng taimang beichieng a i Biehinn kot khah tu ding ka hi chiin hing dawng hi. Bangteng hileh khovel i khuolzin gam maiahina toh tahsa lam ah zong kum upa mama ana hita a a it angai teng nuosie in Tehnat in June 20, 2015 zinglam nai 3:00 vel in thupina gam ahing na gam angna zot santa hi. Tam i Thangkou tungtawn in i suun thu i puong uhi.

---

---

## PATRON MEMBER-TE

---

|                          |                             |                                 |                             |
|--------------------------|-----------------------------|---------------------------------|-----------------------------|
| 1. Upa Gouzamang         | 2. Pu Hav. Khamchinkhup     | 3. Pu Khamzalam                 | 4. Pu Chinzasuan            |
| 5. Upa Liansuanpau       | 6. Pu Khamchinthang         | 7. Pu S.Dalhlang                | 8. Upa Kapkhanthang         |
| 9. Upa Langginmang       | 10. Upa S. Nangkhanlal      | 11. Pu S. Lamkhothang           | 12. Upa Dr. M. Lachinkhai   |
| 13. Upa Khamchinjam      | 14. (L) Upa D.K.Manlun      | 15. Upa Suankhanmang            | 16. (L) Upa Khupgou         |
| 17. Upa Chinkham         | 18. Upa Ngulchinkham        | 19. (L) Rev. Retd. V.Vungzalian | 20. Rev. Retd. Kamkhosoi    |
| 21. Rev. Tualzachin      | 22. Rev.(Rtd.) H. Nengzatun | 23. Rev. Awnkhanhup             | 24. Rev. Hangpi Manlun      |
| 25. Pu Tuanzapau         | 26. (L) Rev. Ginjinjam      | 27. (L) Rev. Khamzasuan         | 28. Upa T. Lamkhothawng     |
| 29. Upa Khaichinmang     | 30. Rev. Chinzathang        | 31. Pu Khupkhanmang             | 32. Pu Khaidohlian          |
| 33. Hav. Khamzahang      | 34. Pi Vungzanuam           | 35. Pu T. Gouzadou              | 36. Pu Liensuonkap          |
| 37. Pi Zelkhochiin       | 38. Pi Hatkhanvung          | 39. (L) Pi Ngaihoiching         | 40. Pi Mankhannieng         |
| 41. Pu Goukhanmang       | 42. Pi Chingzalam           | 43. Pu S. Thianzakhai           | 44. Pi Kamkhanching         |
| 45. Pu Haukhanpau        | 46. Pu Tuallianmang         | 47. (L) Pu Dongkap              | 48. (L) Pi Chingkhanmang    |
| 49. Pi Donkhanian        | 50. Upa Henzakhus           | 51. (L) Pu Saichinpau           | 52. Pu Goumang              |
| 53. (L) Upa Khamkhanhang | 54. Shie Laangkhanlal       | 55. Pu Khamkhanlun              | 56. Upa L. Tualkhanpau      |
| 57. Upa Jamsianmung      | 58. Upa Ginzadong           | 59. Pu Kaizathang               | 60. Pi Goizanuom            |
| 61. Pi Thangneivah       | 62. Pu Khamzathang          | 63. Pi Donchin                  | 64. Upa Liankhanmang        |
| 65. Pu Hauchinlun        | 66. Pu T. S. Lal            | 67. Pi Goichiin                 | 68. Pu T. Khupchinthang     |
| 69. Upa T. Kaizalam      | 70. Pu Paul Henkholal       | 71. (L) Pu Soikham              | 72. Rev. P.C. Manga         |
| 73. Rev. Khamchinkhai    | 74. Rev. Jamlianpau         | 75. Rev. Chinzapau              | 76. Rev. Retd. Kamkhozam    |
| 77. (L) Upa Chinpu       | 78. Pu Zamkhanthang         | 79. Pu Chinglen                 | 80. Miss Chinhaunieng       |
| 81. Upa P. K. Soia       | 82. Pu Goukhai              | 83. Pi Niangkhanmang            | 84. Evan. Retd. G.L. Joshya |
| 85. Pi S. Chingkhanmang  | 86. (L) Pu Vumchinkhup      | 87. Upa Khaihenthang            | 88. Upa T. C. Pau           |
| 89. Upa Nengchinkap      | 90. (L) Upa Jamkhongam      | 91. Upa HT Manga                | 92. Mrs. Vahkholhing        |
| 93. Pu Hauliankap        | 94. Pi Chinnu               | 95. Pu T. Kuppa                 | 96. (L) Upa T. Gougin       |
| 97. Pu Ginsuanhau        | 98. Pu L. Langminthang      | 99. Rev. David K.Samte          | 100. Upa T.S.K. Samte       |
| 101. Upa S.K. Khamma     | 102. Pu Jamkhopao           | 103. Pu Thatang Taithul         | 104. Upa Kamkhankap         |
| 105. Bhim Prasad         | 106. Rev. M. Kapsuanthang   | 107. Nu Chingneikim             | 108. Rev. Khupkhansuan      |
| 109. Pi Mannuamching     | 110. Rev. Kaimuanlal        | 111. Upa Nengkhanlian           | 112. Nh. Deborah Zou        |
| 113. Pu Kamgenpau        | 114. Rev. Mangsuanthang     | 115. Pu Lamchinhau              | 116. Upa Pauchinlel         |
| 117. Kimneihoi           | 118. Nh. Niangsuanuam       | 119. Nu Ngaikhhanvung           | 120. P. Sanjiv Zou          |
| 121. Upa M. Kaichinkham  |                             |                                 |                             |

---

## LIFE MEMBER-TE

---

|                            |                          |                       |
|----------------------------|--------------------------|-----------------------|
| 01. (L) Upa T. Khupkhenpau | 02. (L) Pu M. Ginzahau   | 03. Pu Selzapau       |
| 04. Pu L.C. Pautungnung    | 05. (L) Pi Khamkhannieng | 06. Pi Ngainuom       |
| 07. Pu Chinsuanthang       | 08. Pu Shanti Kumar      | 09. Pu Kamkhohau      |
| 10. (L) Pu Khamkhohau      | 11. Upa Khamzathang      | 12. Upa Chinkhanthang |
| 13. Pu Tongzathang         | 14. Pi Chiinneilam       | 15. Upa Kulthang      |

**Kchristian Tangkou man (fee) na pe tai?**

**Na piehlouleh lungsiettah a pieh  
hing sawm ding in i kingen uhi.**

If undelivered  
Please return to:

**The Editor**  
KHRISTIAN TANGKOU  
ZPCS Office, Zomi Colony  
Churachandpur - 795 128  
P.O. Box - 48, Manipur, India  
e-mail:zpcs@rediffmail.com/zousynod05@gmail.com

7a,

---

---

---

---